









5-11-11


4/5


Chas. H. H. H.


John H. H. H.

W. H. H.

[unclear] 2







Karsthans mit vier Personen so vnder inen selbs Zu ain gesprech vnd red halten

Mercurius

Murnar

Studens

Karsthans



Die fünf personen/so ein gesprech vnder ihnen sich
verlaufft/wirstu in noch gen den schrifft vermer
ckē/sampt der mainung darin gesücht. Nemlich
das übel stadt ain gaystlichen vnnnd vil gelerten
man (nach seiner achtung) sich mißbrauchenn
seins titels vnd würden/da durch in gestalt ains
schaffs wölffisch dück gespürt/im tittel brüderlicher erma
nung offentlich schmehung vnd lösterung/durch mittel ver
nünffiger vsachen/vast außlendig dorecht leren geben/in
beschirmung bapstlicher oberkeit/die durch zu vil nerrisch
bey spil/vnd haydnisch anzaigen zu grund tēren/vnd das
gröfste dz diser vnwissent gemalt theologus/wil den Chri
stenlichen glauben auff zeitlich/leiplich/fürstenthumb/vñ
haydnisch herschafft gründen/darein sicheren/vñ besesti
gen/doch auß aigner vnwissenheit geursacht/im sollichen
torechts fürnemen/das so ers in geschriffte eröffnet/vnder
seinem namen auß geb/im sollichen zuuerweyssen/auch seyn
Elain der götlichen geschriffte verstand zu spot reichen mö
cht/doch wa im geling ain anfang weyters rüim/vñ schan
ckung zu erlangen/des halb seinen namen verhalten/sich
vnder dem wesen (noch leit aines sprüch worts. latet ang
uis in herba) geschickt/wartend was im das vogelgeflücht
anzaigen wöl/was im latein geredt vnd geschriben ist/von
dem hochgelerten götlichen Martino Luthero/das hatt
diser hailig nit mit gleicher sprach (forcht vileicht sein groß
kunst möcht nit gnüg außgeschollen sein) sonder deütsch
angefochten/da mit im nit so lauter seyne vnwissenheit zu
verweisen kom/vñ aigner rüim/vñ schanckung/sampt dem
neyd gemerckt wurde/doch auß den wercken wird etwan
der mensch erkent/mag im auch geschehen zu seiner zeit.

¶ Bis̄ seind die fünff/so vnder inen Selbs ain
gesprach vñ red halten. Murner/Karsthans/
Studens/Luther/Mercurius.

Murner. murmaro / murmaro / murner /
murmaro. Karsthans. losen losen. Stu-
dens. Vatter/was ist's. Karsthans / Singe
man/oder schreyt man / Studens / höreſt
nitt das es kagen seynde. Karsthans. es
schreyt eben als ain mensch. Murner/mur-
maro/murmaro/murmaro/pfey/pfey/auwe/auwe. Stu-
dens/es seynt kagen. Karsthans.es ist ain selzam gesang/
yetz ist es fridsam/yetz schreydt es auwe/yetz pfuchet es wie
ain schlang. Studens/es ist der kagen gesang also. Karst-
hans. ist das thier als das gesanng / so ist's on zweyffell
ain trugenliches thier / es sey recht ain kag oder ain röl-
ling. Studens. Ein kag (als die natürlichen mayster sa-
gen) hat ainen glatten palg/lind tappē/mangerlay farb/
geneygt sich an die leüt zūstreichē/vñ gern vñ den hals den
herren vñnd frawen kriechen/ lügt geren den frawen auff
dē schossen. Karst. so sagen die pauen im dorff ander aigē
schafft auch von kagen/nemlich hat ain kag lang scharpff
negel vnder den linden tappē verborgē/do sy kragt/so lat
sy gern har wo sy ist/ wā solichs kagen har ain menschen
ein kompt/ macht es speien vñ koren/hat auch augen den
wolffen gleich/doch der schalckhafftigkeit/das die im tag
verborgē seindt/aber in der nacht sicht mans. Auch leckt
sy mit der zungen/vñnd mit den hinderen füßen so kragen
sy. Auch sagt man/ain kag sey der neün bösen würm ainer
wā im sein her etwas laids thut/so gang sy hin vñnd leck sy
ain krot/auch zerbeiß/vñnd also mit vergifftem maul vñnd
zungen/in angenomener alten freundschaft des streychen

vnd lecken kert sy fleyß an den herren zü vergiffen vnd
verderben/wo sy im nit zü kumen mag/wendet sy sich dem
Kinde in der wiegen zü schaden vnd verderben Schlozene
Kagen sein nit güt mauserin. *Mercuri⁹. periculosus catus.*
Studens. Vatter söllich eigenschafften mögen die Kagen
auch hon. *Karsthans.* Gang wirff mit stainen zü inen/dz
sy der hertzer müß würgen/ was vngemach endstadt von
disen falschen wurm. *Studens.* Ich gang. *Murnar.* mur
mau/murr/*Pshey.* *Studens.* O vatter was greülichen
thier/es ist nit recht ain Kag/sichts doch ainter gleich/vnd
würd ye grösser vñ grösser/ist graufarb/hat einen selgamen
Kopf/dan so schmuckt es sich/dan thut es sich auff/kum sich
vö wunder. *Karsthans.* Wa ist mein pflegel. *Mercurius*
mysterium est. *Karsthans.* Ist im minster. *Mercurius.*
Metaphicosis est. *Karsthans.* Ists meer. *Mercuri⁹.* stul
te/metaplasmus. *Karsthans.* Was sagt diser. *Studens.*
er sagt es sey ain verending des leyb geschehen. *Karsthans*
wie mag das seyn. *Mercurius.* *Jouis sententia.* *Sic leus*
ex monacho porcus / hinc canis rodens syncera queuis.
Karsthans. Sun was redet diser *Studens.* er sagt es sey
mer geschehen. *Karsthans/wz vngeheuren selgamen thier*
hieher bald de pflegel. *Mercuri⁹/noli modo experire ultra.*
Studens. nit nit vater es ist ain mensch. *Karsthans / es*
ist ain teufel das gesicht felt nit. *Studens.* O vatter gang
neher darzū vñ sich nit fleyß. *Karsthans.* Ach got es ist
ain gaislich man. *Murnar.* Ja gaislich vnd mer dan
gaislich ich bin menschlich vnd gaislich. *Karsthans.* ich
habs nit gewist. *Murnar.* ich wil dichs lerē wissen du solt
leichter den teufel beklidiget hon. *Mercurius.* *Opera spi*
ritus patent. *Karsthans.* Lieber herz/ jr myessent vns
dorffleutē verzeichn/wir wissen nit wie ain söllich gaislich
man soll gehalten werden/ hon nit gewüst das jr auff den
tächern umb lieffen/vñ abweg suchen/ gaislich leut sollen

bey nacht zeit in klöstern sein vñ betten/ vñ metten singen.
 Mercurius/obstant mundine musarū. Karsthans. was;
 gatt er mausen. Murner / du silz gēst auch in mein gauch
 matten. Studens. Vatter biß züchtig. Karsthans. Ich
 hör wol/ jr gon mit geüch vmb. Murner/loß spotten liegē
 findest nit das minst. Mercurius. certe habitu alienissimū
 Karsthans/ich hoff jr seind ain frommer gaistlicher her/
 Murner/ich bin der teüffel auf dem kopsf. Mercurius/affi-
 nis. Studens/ey vatter du solt nit mit solchen hohen leüt-
 ten reden/machst sy zornig / Karsthans /wie kan also ain
 gaistlicher her ain teüffel sein: her got behüt/wie ist der mā
 so zornig/hat eben das gesicht das ich in der nacht sach do
 er also mawet. Murnar/ dz dich der rit geschet als baurēs
 du müst gen Rom dangen / was hastu mich zerechtferti-
 gen / sihestu mit wer ich bin. Mercurius/ magnus nebulo.
 Karsthans/Lieber her/wie haissen jr. Murner /frag den
 studentē. Studens. O vatter es ist ain grosser mā/ ich hab
 sein titel gelesen. Er ist ain poet/der mit eine lorbonē kranz
 gekrönt ist/vnd ist doctor in baiden rechten/vnd ist doctor
 in der hailigen gschriffte/über daz ist er ain gefreyter ordens
 man/hayset Thomas murner vñ strassburg. Karsthans
 hab ichs recht verstanden/so ist er ein planet mit lorbonen
 vñ ain dochter im rechen/vñ ain maister im stift. Mercur-
 rius/equidem/wie ist er ain gefreyter ordens man: dz er den
 ordē nit helt oder wie? Studens. Neyn/er ist also gefreyt/
 das genüg ist/wann er die kütten an hatt so mans sicht /
 Karsthans Ich hör wol/der ordē ligt allein an der kütte/
 mag darneben wol ain büß sein. Mercurius/de facto. Stu-
 dens/mag auch durch alle land ziehen in freyhait seins or-
 dens/etwan die kütten abziehen/vnd an ain spieß tragē/
 mit abgeschnitten zerteilten hosen/ den regen im tagbalg /
 mag auch verkleydet inn die luxuriana gon. Mercurius/
 quotidiana. Murner/ich sich wol wo es hinauß wil/domi-

ne notarie coram nobis/et his tribus testibus Mercurius/
scilicet/ fraus mendacium(hypocrisis)protestor: veritatem
iam dictam in meam personā/das euch pock's hoden schen-
den vñ plendē waz hond ir ain geistliche man seyn helteie
auß zū schreyen / in der gemein lieb vñnd werde zū machen/
meynen ir das solichs niemā wiß dan ir: Mercurius / das
syes mündlen eins hübssts parnōsel ein gesel/ Studēs/olint
hec Karsthans was: wil er vns ölen/so wellē wir im nach
vñ mit stecken schmierē Murnar du bist ain gauch Karst-
hans vñnd du auch/ Mercurius bona mercamina Stu-
dens. Vatter verred dich nit/wan er ist ain Jurist. Karst-
hans. mag wollsein ain Kalter. Christ / oder ist er ain Kist?
Mercurius. vere cista nequitie. Karsthans. was sagt der
aber? Studēs. er sey ain welt weiß man. Murnar. da für
soltu mich hon. Karsthans. so ist not das ir gefreyt seynd
auß das euch des ordēs regel nit hinder wā im kloster geist-
lich vñd in der welt listig zesein/mag nit bey ainander ston
Murnar Incompatibilia auctoritate pape vñiri possunt.
Karsthans. was liegen ir übel? Murnar du baurientlog
iniustum est vt monachis operantibus serui eorum ocio tor-
peant. distinc. liij. c. abbati Iterū vitium est indignis secreta
vulgare. distinc. xliij. c. fi. Karsthans Ja warlich stincken
yr vom secret/will glaube dz ir vil scheißeysen durchlassen
seind da ir noch ain tag warē. Murnar. nag sein. Karst-
hans. Is mein auch also. Mercurius. condimenta. Karst-
hans. losen wer klopfft so an der thür. Studens. Vatter
es ist Doctor Luther. Mercurius. Ha/disponentia fata.
Murnar. so der kompt/ist mein zūul hie/laß mich hinden
auß. Karsthans. ich hab mein tag gehört ain Krey sey ge-
ren bey der andern. Murnar. er ist ain böse Krey/Kreyt böß
ding. Mercuri⁹. optima psiticus iste. Karsthans. warüb
verbergen ir euch vor: m/ich hör vil gūts vō Luther sagen
das er ain frum christen man sey Murnar. vermeld mich

mit hye/er ist ain käger/vnd ich hab mich vnder schubē/das
ich in für ain käger weisen wil. Karsthans/warumb dispu-
tiren ir nit mit im personlich als doctor geügkus thon hat
zu Leypzig. Studens. Ja vater doctor Eck/als etlich sagē
hat nit vil eren noch sig erlagt am Luther. Wurnar. con-
iuro te adolescens/obmutescas. Studens/modo. Karst-
hans/er hat doch der massen geschryen vnd gefochten/das
fast nieman vor im zu red hat/ mügen kōmen. Auch ist er
sein krank worden (do er also im sandt sacht) vnd hetten
etlich vō Leypzig im nit so ain bewertē mayster geschickt
zu argnen/glaub der eticum/sampe dem inern neyd zamen
hetten ymß hertz abtruckt. Studens/wz ist für ain arger
gewesen. Karsthans. wann ich das hochgericht halt im
dorff/an meins iunckeren statt/ etwann so schickt ich auch
nach im. Studens/ mir nit des arget. Auch hatt der
bapst dem Ecken fünff hundert ducaten für sein arbeit ge-
ben/vñ wā der gegnus den Luther het überwunden) als
er vnder ist gelegen) wolt er ain camal mit den breiē hütē
aus im haben gemacht. Wurnar/hoff mir sol auch ain se-
der von diser bösen freyen werde. Karsthans. Ir vermei-
nen villeicht auch fünff hundert ducaten zu erschmarogen
wie gegnus. Wurnar. Auarus graciosus aurū intuetur
quā/solem. distinc. xlvij. c. sicut. Karsthans. ich hör woll
euch gelerten ist mer vmbß gelt vñ rüm der welte/dā vmb
die warhait vñnd ere gots. Wurnar. Mendicat infelix in
plateis clericus. distinc. xcij. diaconi. Mercurius. eadem
distinc. propter auariciā sacerdotum sepe odia consurgunt
Wurnar. Decultū vulgo/ Karsthans/der Luther kōbt/
Wurnar/ adi. Karsthans/heben her lassen vñß mit im er-
sprachen. Wurnar/ich vñnd mein gesell haben schriftlich
im ain muste zamen platen/ darinn wirt der Luther wol
mercken waran erß gefressen hatt/das ymß der teuffel in

hals gesegnen muß. Karsthans/ da behyet in got treulich
vor/seind jr ain selzam gaistlich man/thun nichts mit dan
fluchen/schelten/toben/vnnd den leitten böss wünschen.
Studens/domine doctor procedite Wurner. So ich güt.
tes im syñ hon/entrüestet mich der tropff/ Ja er würt wol
sein irtüg darauß verston. Karsthans. Zy so bleybñ hie
so jr im gschribē hond so kent er eüch wol. Wurner mir nit
das ich vil mit jm disputier/wie wol mit spüz worñ(so ich
in meinen grossen büchern gelernet hon(ich nit vnderligen
hofft/aber er well mer durch das Euāgelium/vnd paulū
vnd des alten dings/ alle ding bewert haben / darauß ich
mich nit vil gelegt hab/wann es alt haydnysch weret ist/
wer es aber der neuwe hand/als do seind die gauchmatten
narren beschweren/vnd schelmzunfft/vñ der gleychñ theo-
logi wolt im das helmly nit lang vergünnen / Mercurius
Nunquid gloriosus Theologus? Auch hab ich mein na-
men nit darein geschribñ/auff das er nit wiß das ichs thō
hab. Karsthans/so jr so ain hoch spiziger man seind auff
die new manier/ständ eüch wol/ dz jr im ewern namen nit
heten verhalten/auch auff dz/ die andern gelernñ leit eü-
er scharpff reß hyrn erkanten / vñ künfftigen syg in eüch er-
hofftñ. Mercurius/mēdacia et scandala. Wurner/ es hat
nit not/wie wol mein nam nit darñ stat/noch meins gsel-
len /so kommen wir doch heimlich zñ vnsern güten gesellen/
(Mercurius.sine zizanie)söllch vnser list vñ weißheit in ein-
or gerond/ins hertz vnder der rosen geredt. Auch hab ich
meine sprichwort so geschicklich dar ein geschickt / das ain
leychtuerstediger (so mich in aller welt hat hörē predigen)
wol merckē kan/wa dz saltz her fleüßt nit auß ain schlechte
hasen/hab nit on ursach dē gnedigen herren zñ strassburg
mich solichs gethon habē/in gheim angezeigt/in hoffnung
groß eer vñ schandung da durch zeeerlangen. Mercurius
pyramidē gemidis. Wurnar. wiemeynst gsel. Karsthans

Ja mmm mmm/ Murnar/in dich. Studēs/durch die ada-
gia Erasmi/ Murnar/nein/ich hab als wol Adagia vnd
sprüch wörtlin als Erasmus hat/ja vil schöpffer vñ köst-
licher/ Erasmus hat zusamen gelesne materij/auß alten hi-
storien/vnd poeten/welich von tugenden/vnd dapffertait
sagen. Ich aber hab mir selbs den rüm vnd lob behalten/
das ich nit auß frömbden runsklen wasser endlehen/sonder
meins bümen mich ersettigē. Karsthās/lieber her murner
sagen mir doch auch von ewern sprüchwortten. Murnar/
das ist ains/hast nit mein genß gesehen. Karsthans / das
ist schlecht weißhait von ain sollichen geleerten man. Mur-
ner/es ist so schlecht/ das ich ain ganze fasten täglich dar-
von gnüg zñ predigñ hätt/zñ Freyburg im preißgaw/wie
wol fast nieman darzñ kam. Karsthās/ als ich hör so hat
Erasmus vil geschickter reden dan ir / ewer red ist nit dan
vō gensen/geüchen schelman/keiben/Mercurius/comalia.
Murnar/du hast ain rechten namen Karsthans/ wann
ich dir den namen auß meinem gauchbüch geben hon/ver-
stast nitt was haimlicher weyshait vnd gaistlicher syñ die
wörter auff im tragen. Studens / Vatter doctor Luther
wart. Murnar. gäg züm. Grieninger dem büchtrucker vñ
heiß dir zwey büchlin gebē/das erst hatt ain solichñ titel/vō
dem babstum/das ist von der höchsten oberkeit chrißtlichs
glauben/wider doctor martinum Luther/ ain köstlichs/o
ain wolgründets büchlin/durch götliche warhait. Mercur-
rius. per plana mendacia. Das annder büchlein hat disen
titel / Ain chrißliche vñ brüderliche ermanung zñ dem
hochgeleerten doctor martino Luther/Augustiner ordens
zñ Wittenberg/von der hayligen mess 2c. diß zwey büchlin
laß dir lesen / hör zñ / so wirstu erst lernen wär ich bin / ob
ich noch (wie woll die selb natur noch gang in mir ist) ain
katz. oder rölling sey/oder ain chrißtenlicher lerer / adi bon-
an/der Luther verdreibt mich Karsthans amen. Studēs

bene veniat nobis dominus doctor Martinus Lutherus.
Luther. par huic domui. Karsthans. O her Luther seind
vnns wilt omen/was bringt euch in des land. Luther. die
ainfalt des teütschen volcks. Karsthans. wie das? Luther
das die teütschen so Eleyens verstands seind/ was man inen
verspilt vnd tantet/dz glaubē sy gleych/synnē im nit wey-
ters nach/da mit werden sy vil betrogen/vnd von den auß-
lendern verspottet. Karsthans. da von weyß ich nitt/wer
thut solichs/vnser fürsten vnd herren. Luther. nayn oder
gar wenig. Karsthans. ich waiß nitt/aber es hatt lang in
mir gedodert/man werff erwan den gemainen man über
das sail/lieber her geben mir des ain anzeigen. Studens.
vatter er ist der man da von doctor Murnar gesagt hatt/
wie er ein Eger sey vnnd sey im bann. Karsthans. O her
seynd ir im bañ/vnnd ain Eger/so hebē euch bald hin auß/
wa ist mein pflegel. Luther. Mein fründ/hat nit mein wi-
dersacher der Murnar. in seim büchlin geschriben/das kei-
ner parthey zū glauben sey/vor vnd ee dan die sach erfundē
vnd mit recht auß geschryē ist. Warumb gibstu dā im (als
parteyschē) glaubē/vñ mir nit/so noch ain frey cōcilium nit
dar über erkant hat. Studens. vatter gang sein müßig/ich
halts mit dem Murnar. Karsthans. laß vor seine bücher
überhören. Luther. so thuen so woll vmb gottes vnd der
warhait willē/hören vnd lesen meine bücher auch in gleichē
fleis/als meiner feind bücher vñ kain tail angesehen/sunder
lauter vnd bloß die warhait vnd vernunft/dan so vitailē
zwüschē mir vñ allē meinē feindē. Mercurius aequū Stu-
dēs. noli os ponere in scenū Karsthans. sun du solt es baß
wissen dan ich (so ich vil gelt an dich gehendt hab/auff der
hohen schül zū Cōln (dz der güt her Martin luther ein bil-
liche sach vnd maynung vor im helt/bayd parteyen vor vñ
ee verhören/dan vitailen oder verdampfen. Studēs. o vat-

ter du hast bauren regel/nit also/ich hab zū Cölln anders
gehört von vättern sant dominici vnd doctern/ja von einē
der haisset Hochstratus ist ain Ketzermayster. Mercurius.
heresiarcha. Karsthans. was: ist ein monstrantz ain Ketz-
ermayster. Sturdes. du verstost übel/bist des lateins nit geübt
ja der selbig hochstrat sagt/es sey nit güt / noch sicher mit
solchen leuten zū disputieren/noch audiens zū geben / noch
recht volgen lassen/wan sy zū glert seint/vnd die Ketzermay-
ster oft zū schanden gemacht haben. Also thet Joannes
Husz/also der geschwind Hieronym^{us} zū Costniz/het man
sy lassen zū antwort kōmen/sy hetten das gang Concilium
geschenkt/aber das feur kam zū aller hilff/also in disen ja-
ren doctor reichlin/der groß schmach vnd nachtail dē Ket-
zermaystern zūgefügt hat/dz er mit recht erkāt ist zū Speir
als gerecht vnd auffrichtig in seinem lernen/vn hetten die
geistlichen vättern predigers orden/ nit so groß hilff irem
Ketzermayster thon/mit vil schanckungen/ vund treüung
des bapsts/das der bapst den sentenz gen Rom hatt gezo-
gen/vn da mit vnwillen ab erkant/ was maynst das men-
schand vn schaden do erstanden wär. Weyters was wun-
der ist geschehen in disem zwaynzigisten jar zū Weng / da
kam ain Legat von Rom da hyn/verschüff das man solt
des Luthers bücher offentlich verpreien/da yederman am
platz stünd/vnd warter der geschicht/do fragt der hencf
ob vitail vnd recht geben hett das man die bücher solt ver-
brennen/da nieman im des ain warhait künd sagen/sich der
nachgültig mensch wolt nit richtē vn gieng hinweg. Daz
grosser schand vnd schmach ward do dem Legatē bewey-
sen/vn wolt er nit mit schandē gar geston/ müster dē hencf
er lassen überreden mit listen vnd gaben / auff den andern
tag das er bey zwey oder vier büchlin verbrant. Ich hatt
vermeynd/er solt nit weytters gefragt han/angesehn / des

bapsts legaten/vnd ernstlich befelch/vnd der k̄nigemaister
ampt. Mercurius/docta rusticitas germanorum. Karst
hans/wie mainst dan/wan es darzu k̄omen wolt/das al
lein der gwalt recht war/Ja wan der bapst einē gauch vō
Rom schickt mitt gewalt/ja sach mir den/verprenn disen/
schmierb mein pflegel wurd sich regen Studens. O vatter
du meynst es sey mitt des Bapsts gewalt als vmb aynes
vogts im dorff (als du bist) der nit eins halm breit handelt
(mit willen) anders dan mit recht/vnd erk̄antnuß seiner
vmbfiger/welliche all grob pauren sein/vermainen wan sy
anders vrtailten dan klag/antwort/vnd k̄untschafft gibt/
sy wāren des teüfels/der ding nit beym bapst/sonder zūvil
malen. Sic volumus/sic iubemus/oportet/sufficit vicisse.
Karsthans. ist er dann der aller hailigest an gots stat/vn
lasset so grym die leüt tödtē/was im gefelt muß recht seyn/
ist er an gots stat/sol er auch erzaygen götliche werck/alß
gerechtheit/weißhait/liebe/kunst gedultickait/hailickait/
Studens/was plapast alweg dein tand was sol ain vōlly
des gewalts wan man in nit brauchen soll/wilt stets auf
dem Euangelio ligen/das man den pauren sagt/heyst nit
gemacht. Wārest du auch zū Cöllen vnnd Löwen auff den
hohen schülen gestanden/do gelert leüt seind/vnnd hettest
das gaisstlich recht gelesen/vnd Quayetarium / syluestrum
(Mercurius. magistrum porcorū) de prierio/in sein gros
sem büch/fast güt nach mittag/den L̄cken/vnnd was des
dings ist/du wüest gannz annderst/das du yetz für groß
sünd achtest/wurd weyßhait vnnd dapfferk̄ait/der bapst
hat volkōmen gewalt. (Mercurius. super pediculos) gatt
vinnen vmb wie er will/sol nieman fragen warūb thūstu
diß oder das. Karsthans/lieber sun/die weyll du so gelert
bist worden/sag mir hat ain schaffner mer gewalt dan im
sein her gebē hat. Ich als ain paure/ach neyn/wan ein fürst
sein amptman ainem gwalt (ja gemeinen gwalt) verleicht

ist doch alweg des fürsten mainung/das sölicher gwalt sich
 nit weiter erstreckē sol dan zu eer dem fürsten/vñ nuz dem
 land/wa ain amptman die burger schindē tedt on schuldt/
 oder die güter im selber zu aygen machen woltt / oder das
 land ainen seyner feind über geben/will nit glauben dz der
 fürst söllichs gestattet/oder der massen den gwalt im verli-
 chen hab. Nun hat Christus an seinen jungern vil geleert /
 wie sy sein sollen / was sy thün sollen/wa vor sy sich hütten
 sollen/was ir ampt sein sol/vnd söllichs ist im ewāgelio ver-
 schrybē. Do ich bey vnsern zeitē sich vnser bāpst vñ bischoff
 so seind sy gleich das widerspil/nitt anders dann weren sy
 haiden. Studens. O vater du bist ain pfaffen feind/ir bau-
 ren seind alweg den pfaffen gfar. Karsthans. Es ligt am
 tag. Studens. noli os ponere in scenum. sy halten dz ewan-
 geliū. Karsthans. es seind ebē bey vier zeilen im gangē ewā-
 gelio die haltē sy so starck/dz sy im vil zu vil thün. Studens.
 das will ich geren hören. Karsthans. die erst zeyl (so du
 hilff mir /ich kēn nit wol latein) du bist Petrus / vnd auff
 den sant peter würd ich bauen mein kirchen. Mercuri⁹. O
 das ist ain köstliche zeil/tregt vil nuz/die ander zeil. weyde
 mein schauff/die drit zeil was sy eüch sagen das thün/ Die
 Viert zeyl/wer eüch veracht/der veracht mich. Studens.
 wie mainst aber werē die vier zeilē nit/ woz wer vnser ding.
 Karsthans. die vier zeilen haben vil ain ander meinung/
 dan jr vnß fürgeben/ Die ganz welt gat yetz mit den vier
 zeilen vñ. Studens. die vier zeilen seind die haimliche stück
 des Christlichen glaubns/die doctor Murnar sagt verbot-
 ten sein zu rütlen vñnd erforschen. Karsthans. wie vater
 Martin was sagen jr dar zu/so ich vnd mein schloderentz
 (wie haist student) also sechten mit ainander. Luther. was
 am liechten tag ligt/darff nit dz mā mit ainer kōrgē dar
 zu leucht/ es ist selb lauter gnüg. Umb diser vier zeilen wil-
 len bin ich in angst vnd not kōmen/wan wer die vier zeilen

rechtfertigen wil/der hat den hals verlor:n. Karsthans. nit
also lieber her:/es gehört meer darzü/ich hab etlich büchlin
so ir gemacht haben/hören lesen / vnd wann ich hinder sich
oder für sich gedencf/so ist es eben die warhait. Luther. die
warhayt bringt mich in nott/ das ich nyendert sicher bin.
Karsthans. lieber her Luther. Schreyben in vnser sprach
zü deütsch die götlich warhait/ auf das wir einfeltigen leyē
auch mügen lesen/doch das es war sey/vnd in der hailigen
geschrifft verfasset/als dann nahent all ewer schreiben güt
anzaigen gibt/vñ lassen vnß sorgñ/ob wir eüch erretten vō
gwalt des bapsts/vnd der breyten hütentrager /es sey dan
das vnñß güt feüß / schwerdt / harnisch vñnd hālbarten /
samt güttem geschüz nit helffen mag. Teütschland hat
von alter hār noch (vō gots gnaden) den preiß gmainlich
behalten/es sey Wellisch/ oder frantzösisch/haben sich vn-
ser rüchen kopff müssen aufs wenigst entsigñ/wo kām wir
da hin/wār das haylig Euangelii recht lernet / den wolt
der bapst mit gwalt verderben / nit des dings wo ist mein
pflegel? Studens. Insanit. Mercurius. feruet iusticia. Lu-
ther/nit lieber freunt/es sol von meynet wegen nieman se-
chten/noch todslagen / wā Christus sollichs het wöllen
er hett wol zwölff legion zü hilff vermögender engel/ noch
alle zwölff potten sollichs nit begert hond/sunder gedultig
vmb der warhait willen/den tod vnd marter gelitten. Ich
vor weiters mügen baiden partheien maynung lesen/vñ dz
nüggest darauß lesen vñ nemen/got sey mit eüch allē. Karst-
hans. lieber her got bewar eüch alzeit. O sun das ist vill ein
bescheidner her/den der Murnar. Studens. Vatter gang
in acker. Karsthans. es ist yetz winters zeit/nichts nüglich
im feld zehandlen. Nim des doctor Murners erst büchlein
vnd liß mir darinnen / da mit ich der frumen leit leer auch
vernem. Studens. so merck eben auff. Karsthans. heb an
Studens. diß ist das büch von dem bapstum / das ist von

der höchsten oberkeit christenlichen glaubens/wider doctor
Martinum Luther. Karsthans. der tittel gefelt mir nit/
wie halt das buch ist. Studens. wie das? Mercurius. bo-
num aucupium. Karsthans. da bedunckt mich das Chri-
stus sey die höchste oberkeit des christenlichen glaubens/
die weil er der ainig gesponz oder preytigam ist vñ kein and
vñ die sponz oder brant keinen andern man erkent / sunst
wäre sy vnrayn vñ runzelet/nit ain reine sponz. Auch ist
die sponz nit mißhellig mit irem preytigam/aber mit dem
bapstum ist sy machen alweg mißhellig/was ains will des
ander nit. Itē die sponz ist geistlich diser Römische/ist leib-
lich vñ weltlich. Studens. hat dich der ritt auch gelert ge-
macht: lösen mir auch. Man leügnēt mit das Christus Je-
sus des oberst haupt vñ do recht gesponz ist. Aber er hat
ain leiblich haupt nach im verordnet auß erdē/dem gwalt
geben. Karsthans. was darff er ains leibliche haupts/ so
sein sponz geistlich ist? Studens. darü die weil die sponz
noch nit gang entlediget ist/sunders täglich sich nützt vñ
ziert zu der hochzeit/vñ die freünd des gesponz durch den
leib vil enzogen werden/vñ der fröliche stim des preytigā
zu hören/ ist billich dem leib nach/auch ain leiblich haupt
außertrich nach Christo zu sein wellichs die form der dienst-
barkeit/vñ euangelischen ler/wie christus auß erdē gefürt
(nit wie yetz im hymel) hatt/ verfiert für an / da durch das
leiblich haupt etwas verderblēheit dē schaffen bewiß/hilff-
lich die synlikait zu temmē das der geist ye mer vñ mer ge-
lediget werd durch die gnad. Jesu. Christi. vnseren herren.
Mercurius. O hi vbi sunt. Karsthans. noch verbindet deß
dein vernunftig ansehen mit das ain leiblich haupt deß hal-
bē not sey Gibt zu das nüt vñ güt sey geistlich leiblich ober-
keit zu haben/die weil aber Christus mer dan ainen zu sol-
chem ampt berufft hatt / mag sammt. Peter. mit allein das
oberst haupt sein/sunder die andern. Apostel mit im gleich

vnd yetz die bischoff an jr stat/wann das/so Christus inen
hat entpsolchen/hat ain yeglicher müge sich des gebrauch-
en vnnnd yeben/als dan das offentlich in dengeschichtn der
apostlen stat/on eintrag ains apostels gegen dem andren/
nutt als yetz die bapst cardinel/bischoff/prelatten/pfaffen/
sich halten gegen ainander/gleich wie vil höchst in ain wey
er da alweg der gwaltigest den schwchern frist/vñ dempte
biß das sy nachent all gefressen/vnd dem grösesten im ma-
gen zñ samen komen /das doch ain wolff stuck ist in chriß-
licher senfftmutigk eit. Darüb die vier zeile ob bestimbt fast
argwenig von inen vns an tag gelegdt werden. Studens.
ey wie lang ligstu im titel des büchlin. Karsthans. was ist
vil lesen vnnnd nit verston/muß dannocht ain einfeltiger ley-
erwan fragñ. Mercurius. odiosissimū pontifici. Studens
Zim ersten gibt doctor Luther sechs vrsachen das dz bap-
stumb durch gotes verhencknuß vns zñ ainer straff gegeb-
en sey. Karsthans. laß hören/er wiirt darauff kōmen / so
zaigt das büchlin an ain hoche anklagung von dē Luther
gethon / nemlich das in chrißlicher Kirchen etwas sol mit
liebkosen geredt werden/oder mit lügen/wañ Christus vn-
ser lugnen nit bedarff/auf solliche anklagung antwort der
hochgelert Murner in der hailigē geschrifft doctor/ das er
sein lebtage ain man (ausgenommen Lucianū) vñ seinē war-
hafftigen reden gelesen hab/oder vnder allen schreiberē er-
funden hab/der sich höher verdinget/vnnnd berüemet hatt
die warhayt zñreden/dan doctor Luther ic. Karsthans/
ey ey ey/het ich gewisset das murmaw so ain man/vil rüe-
mens/wenig dar hinder wär gewesen/het mich nit enthal-
ten mügen/mein pflegel wer im auff den sack gelegt. Stu-
dens. Warum lieber vatter. Karsthans. do sich ich das
er ain gauchmacher ist/der nit vil in der hayligen geschrifft
gelesen oder verstanden hatt. Studens / er ist doch doctor
in theologia. Karsthans/ja in narrogia. Studens. du

schmehest in mit wortē / thū dar daß er nit vil in theologia
gelesen hab. Karst. gern. Ich hör lesen im ewangelio / das
Christus gesagt hatt / ich bin der weg / das leben / vñnd die
warhait. Itē Joān. viij. So ich zeügnuß gib von mir sel-
ber / so ist mein zeügnuß warhafftig. Vñ ist Christus auch
ein man gewesen. Item der zwölffpot Matheus in seynen
vored seins Euangelij am end / spricht er also / Vñ ist vr-
sach diser arbeit gewesen (vermeint er warumb er das euā-
gelium geschriben hab) für zulegen ain warhait oder glau-
ben geschlechter ding ic. das ist ye ein rüemen der warhait /
Item der drit Euangelist Lucas in seiner vored seins euā-
gelij / berümbt sich das vil seind gewesen / die sich haben vn-
derstandten nach geschickligkayt die geschichten zū schrey-
ben / der ding so durch in erfüllt seind ic. da berryembt er sich
das vil vnuoltomen das Euangelium beschriben habē aber
er habs erfüllt ic. Item der hailig zwölffpot Joānes in sei-
ner ersten Epistel hebt er an in diße wort / das do gewesen
ist von anbegin / das so wir gehört haben / das wir gesehen
haben mit vnsern augen / das wir beschien haben / vñnd vn-
ser hend getast / von dem wort des lebens ic. wie künd doch
offenlicher berümbnus d̄ warhait zūschriben berümbt wer-
den. Item Johannes der apostel in seim büch der haim-
lichen offenbarung kan nit gnügsam gebenedeyen / den so
das selbig büch vñngeselscht lassen / dar gegen wünschet er
alle die plagen / über den / so des selbige büch felschen / wann
das selbig büch so vol warhayt sey / das ain yegliches wört-
lin grosse haymlichkeit auff im trag.

Item im euangelio Joānis. xix. da bezeügt Johānes der
euangelist nur fast die warhait / so er gesehen hat / do man
den herren Ihesum sein haylige seytten auff chet / wie seyn
zeügnuß warhafft sey ic.

Itē lesß diser theologus viler berümbnus / den hailigē pau-
lum / der berümpft sich nahent in allen epistolen seyns apo-

stolats (welichs nit anders ist dan ein bot der warhait) be-
rümpt sich wie er das euāgelium on mittel von Christo ge-
lernet hab. Item wie er sagt zu denen vonn Corinthijs .i.
am anderen capitel. Mein red/ vnd meyn predig/ stadt nit
in menschlicher beredung/ oder worten/ sunder in erzeigūg
des gaists/ vñ der kraft/ auff das ewer glaub nit sey in weiß-
heit der menschen/ sunder in der krafft gottes/ wā die weiß-
hait reden wir vnder denn Volkomen. Hör lieber rölling
was paulus mit seyner euangelischen pusaunen tōnet / woz
grosser warhait seyner red er sich berümpt. Scheindt wol
das dochter Murnar mer auff der gauchmatten gefogelt
hat/ dan in der hayligen geschriff studiert Mercurius. no-
ua aurea secula. Studēs. vatter du hast ein gūte einfälti-
ge meinung/ aber du bist deins munds nitt behütsam.
Karsthans. wo mit? Studens. wie wol du gnüg anzeigē
tūst/ das doctor Murnar vast wenig in den euangelien/
vnd epistelen der zwölffpotten/ villeicht gar nicht in paulo
gestudiert hatt / yedoch so ist er ain berrümpt gelert man/
den du nit so leichtlich nennen solt als rölling. Karsthans
wan das saltz er toubt vñ vntüchtig wird/ so ist es sunst
zu nichten mer nutz / dann das es von den menschen mit
fiessen dreten werd. Mercurius. hec tibi signabis Murner
liß weytet. Studēs. sagt Luther weyter/ er mög leiden das
von des glaubens warhait offēlich geredt werd/ dar auff
antwort doctor Murnar/ es sey war nach laut des euāge-
li/ vnser glaub wol erleiden müg dz man in auff den täch-
ern predigen mag. Es seind aber etliche stück vnser glaub-
ens so man sy rüctet/ nit nutz dar auß entstand. Karsthans.
des euāgeli halben zu predigē seind sy baid ains/ ich hör ab-
er dz doctor Murnar mer stück des glaubens/ vnd die alls
haimlich zesein/ die nit zu rüctlen oder gründe seind/ es seind
villeicht als von der hailigē dimaltigkeit. Studēs wol ist
auch ain stück/ doch ist sein meinung yetz mal nit/ auch nit

wie got mensch sey wordn/oder der gleychen/wan die theo-
logen die ding all durch gründen/vnnd bey ain nadelspiz
durch nyeschent. Karsthans. will glaubē sy felen danoch
zu malen bey ain bauren spung. Studens. o neyn vater/
wan es als in warhaiten vn beschlus reden vnwidertreib-
lich durch sy verfasset ist. Karsthans. warum sein sy dan
so widerwertig selbs in allen dingen. Studens. Sufficit.
Karsthans. also haist mein schweinspies/du sagst mir ab
er nit die haimlichen stuct des glaubens / so doctor Mur-
nar über den Luther triumphiert. Studens. dz ist ain heim-
lich stuct des glaubens/ der bapst zu Rom/vnnd sein her-
schafft wie er auff kommen ist/ vnnd so vill land vnnd leute
über komen (Mercuri⁹. per phas et nephas) hat/wie er al-
len gwalt chusti auf erde hat/wz er thut ist als recht/wan
der hailig gaist in nit last irren noch vnrecht thun. Item
das bey verliering des hymels ein yeglich mensch dem bapst
vnterworffen ist. Item dz kain mensch bey ainer todsünd
glaubē soll /dz der bapst ein viertel stund in einer todsünd
sey. Item das der bapst allein der hailigen geschriffte rechte
sein vnd maimung außlegen sol. Item das der bapst orden-
lichn vollen gewalt nit allein auf erdich/auch im fegfeur
hat. Karsthans. Hör hör des glaubens will zu vill werde/
mein glauben der helt der artickel gar kainē in im. Studens
es sein noch mer glaubē / Athanasi⁹ hat auch den glauben
vil weitleuffiger beschribē dan du in bettest. Karstha. hat
er ein andern glauben dan ich. Studens. neyn/ist eben der
selb dan dz die heilig dñsalikait in den personē lauterer vñ
gesprochē werde/vñ die menschwerdng chusti. Karsthans
sagt er aber auch vonß Murners haimliche g'aubē. Stu-
dens. neyn. Karstha. was/ist mer ain glauben verhanden.
Studens. ja/so in cecilio niceno beschriben ist/den singt mā
all suntag in der dorff kirchen. Karsthans. der selb ist vill

lenger dan̄ meiner/ō selb helt villeicht solich haimilich stuch
in im. Studens. neyn/er ist wie der glauben von Athana-
sia beschriben ist/dann mit etlichen worten anderst aufge-
sprochen. Karsthans. wo ist dan̄ des Murnars glauben?
da wiltu nit herfür. Studens. ey es sein artickel vnd may-
nung der lerer vnd doctoren / so sy nach vnn̄d nach erfun-
den haben/als ist sant Thomas prediger ordens / vnd all
nach im des ordens haltend obgemelte stuch mit dem feür/
vnd sunst als scotus/vnd des dings. Karsthans. hör woll
wan man also machen will / werden zū letsten der artickel
des glaubens ein groß büch voll. Mercurius. de facto. war
umb hat vnser herr so einfältigen schlechten glauben auff
gesetzt/dar an er sich genyegen latt/ich wils mit im halten/
will bey meym alten pawren glauben bleiben/es kām bald
darzū/dz ich in einen yeglichē draum aines dollen münichs
glaubē müst/nit des dings/der from̄ doctor Martin Lut-
het leret noch recht /lasset den glaubē auff Christo bleiben.
da mit auff. Studens. nach deiner peürischen mainung so
würde stiel auf benck hupffen. Karsthans. wie dem. Stu-
dens. doctor Murner sagt in̄ sein büchlin/mā sol die ding
vngerütlet lon / wā es auffrür wider die oberkeit bringet.
Karsthans. es ist mein maynung nit / das man der ober-
keit widerston/noch die durchächten soll/es mag sich aber
ein oberkeit so grob vnd vnuerschāmbt seins gwalts miß-
brauchen / das sollichs zū stad/schand/vnn̄d wider all ver-
nunfft/sich selbs offentlich anklaget/meinst nit ob sich gebü-
ren mög/das solichem schedlichem gwalt radt thon mög
werden. Studens. ja wa man recht ordnung helt/ir baurē
aber habend nit vernunfft in solichem. Karsthans. lieber
sim/was ordnung hielt sant Pauls do er für den bischoff
gefenclich bracht/vnd do auß geheiß des bischoffs an sein
backen geschlagen ward/ antwort Paulus dem bischoff/
Schlach dich gott/du geweyßte wannnd/ wie was er do so

vnzüchtig gegen seiner oberkeit: Studens. wa meynst das
Paul⁹ mit d⁹ geweistē wand gemaint hab. Karsthans. ich
acht er hab vermaint das dißer Bischoff nit kunst vñnd
gerechtigkait gehabt / sunnder nach seiner synnligkait den
gwalt gebraucht hab / des halb paul⁹ in seins mißbrauchs
halb des vrtail gots erinnert hab / da durch anzaiget das
ain bapst bischoff / wa der nit mer hat dan allein den tittel
der oberkeit / das er nit anderst sey dan ain schein vñ kune
erfet. Studens. gnüg. du plaperst einhin weist selbs nit wz
Karsthans. noch ains so mich ain solich geweyste oberkeit
verfürt / bin ich nit als wol verfürt vñnd verdorben / samm
ich mich selbs verderbet: Nach dē wort christi / so ain blind
den andern fiert fallen sy baid in die grübē: Studens. Hey
vater ich wolt du werest wigiger / haist den bapst vñ bisch-
off blindenfierer / das ist wider den glauben docto: Aur-
ners. Karsthans. wider was glauben redt Christ⁹ Mat-
thei am. xv. da Christus mit der oberkeit der juden redet /
vñnd nemlich von der übertretung der gesatz / so jr ölltern /
weysen / raboni / vñnd fürsten der püester auffgesetzt hetten /
wellich gesatz die güten Apostel übertraten Sprach Chri-
stus / warumb vñnd übertreten jr die gebott gottes / durch
euer aigen ordnung vñnd statut ic. vñnd hernach stat ge-
schriben verlassen sy (vermaint er die juden mit iren tradi-
tion vñ auffsatzung) wan sy seind blind (das ist vnwissent)
verblinden sycrer / so ain blind dem andren blindē den weg
weyßt / fallent sy baid in die grübē. Studens. du solt den
bapst vñnd bischoff nit straffen noch rechtuertigen / wz sy
dir sagen das soltu thun. Karsthans. so sollen sy das euā-
gelium vñnd geschriffte in krefftē lassen / nit mit iren faulen
geschwegen ringern / vñ von rechtem verstand dingen mit
gwalt / wan durch die geschriffte erkent man on felen alze it /
ob solich oberkeit recht regier oder nit / wan die gschriffte ist
der recht haupt brieff / so Christus vns verlassen hat / dar-

nach sich die chriſtenhayt richten ſoll alle / nach ain richt-
ſcheyt vnnnd zu vor der bapſt / vnnnd Biſchoff ſollen durch
diſe pullen alle ding vrtailen vnd ſehen / neben diſen pulln
ſollen weder ſehen noch hören / Ja ſoll ich ain mal trüglich
reden / über vnnnd auſſerhalb der götlichen geſchafft hatt
weder bapſt noch Biſchoff kein gewalt / als wenig als ain
ſtain Studens . du bringſt vns in nott / laß ain ding ain
ding ſein. Karſthans. ſo lyß fürbaß möcht leyden es were
ſchier auß. Studens. es ſein vil neben wort / gefelt es dir ſo
will ich die fürderlichen puncten leſen darauſſer was leren
magſt. Karſthans. mach an. Studens. ſagt doctor Mur-
nar weyter alſo / es iſt nieman alſo vnſinnig / der nit verſtänd
wa das hin diene / ſo die vnderthonen die oberkeit rechtuer-
tigen / wa her inen der gewalt kün. Karſthans. d rechtuer-
tigung hab ich ain klain vor geſagt mein güt beduncken .
ſo aber Murmar ſagt man müg wol geducken wa hin es
diene. Ich hoff zu güttem / wañ vil mals oberkeit gerecht-
uertiget iſt worden / vnd vil mals zu güttem erſchoſſen / wie
offt meinſt dz bey vnſern zeitn künig / kaiſer / biſchoff / bapſt
irs fürnemen gehindert werden / durch ir rät / regenten /
perlament / widerſprechung der gemeinen / vnd dar durch
vil blüt behalten / das ſunnſt vergoſſen wurd / hatt ain ge-
mein zu Rom den hoffertigen künig Tarquiniū nit auß-
geiagt / was het er böſer ſtuck verbracht / das do nit gewe-
ret ward / was mainſt das des hertzogen von wirtenbergs
vnderthon fleiß vñ bit an kert haben / das ir haupt gſund
wurd. in laſſen ermanen / vnderweyſen groſſer beſchwert
(ſo er auff ſein ſtett verſagung thet) durch herc / fürſt / durch
Maximilianū den gütigen fürſten vñ kaiſer / was halffs /
hör wol / man ſoll das haupt laſſen jmer krencker werden /
vnnnd wüteig / die vnſchuldigen laſſen ermürden / henden
durch ſein aign hend / weſfelich ritterschafft treiben / back

ein vnd nafen abgeschnitten / was wunder haben vil der
bäpst volbracht / das vnmenschlich zusagen ist / vil mord vñ
schand / schaden / ergernuß auff treiben (Mercurius. vt de
facto vn^o post aliū ad auget abundanter) es ist yetz kein
bapst zwey oder vier jar lang / er müß ain felttschlacht ver-
fieren / oder ainen herren vertreiben / oder sunst irtüg vn-
der weltlichen fürsten anzetlen / die ding geschehen alle ne-
ben dem glauben. Nun haben die Murnauere ain schöne
christliche warhait (ja hinder sich wie bauren die spieß trag-
en) erdacht / den Bapst mag nieman straffen / noch vrtay-
len / noch absetzen / dan allainso er offentlich im glauben ir-
ret. O lieber sun / sy haben so vil mit weltlichen land vnd
ieuten zu schaffen / dz der glauben wol zu ru bey jnen bleibe
vnwissenhait / hoffart / vnkeuscheit / pomp / doechte gesatz /
schinderey / geytz / keuffmanschaft bey dem datoriem / da von
der Luther sagt / die ding haissen nit geredt im glaubē / wā
der Bapst nur nit offentlich am Campislor ain saul auff-
richt / vnd ain kalb darauff anbetet / vnd weyrach opffert /
hat er nymmer im glauben geirret. Studens. er ist die reg-
el des christenlichen glaubens. Mercurius. aliquando sath-
ane Karsthans. liß weiters Studens. weiter sagt murner
wan der haff dem haffner verweist das er in nit zu ainem
früg gemacht hab ic. Karsthans. O lieber sun / wie stymt
das thyer so vngeschlacht ding. Studens. wie so mein vat-
ter. Karsthans. da will der Murnar die göttlichen wort /
durch den propheten / auff die doechten geschicht etlicher
gemalten häppter ziehen / alsam darauff volgc soll got hab
es also vnwidersprechlich verordnet zu halten den menschen
ir böshafftig vnd vnütz regyeren soll niemant andern
noch straffen / so doch Paul^o sant Peter hertigklich straffe
vor yederman / wā Murnar pauli gesehen het wolt ich in

heysen darin lesen so er schreybt zu den Römern am neunte-
ten capitel. Studens. loß weyter vater/sagt doctor Murnar
weyter in sein büchlin/vnd wie wol auch in dem stuck
dieser oberkeit (vermains er des bapsts oberkeit) dz möchte
erlütet werden/dz man offentlich da von redet/ist doch das
verpöht/zutracht zu meyden/vn auffrören. Karsthans
so allein das stuck so seltsam ist/da auffrör vnd zutracht
zu fürstön/das es nit etwan ain mal auffündig müg wer-
den/ wie Kompt dan/das vil sorglicher stuck seind / dar in
lässt man grütlen recht vnd leg machen/heut war/morgen
erlogen/were danocht nit auffrör alls er sagt. Mercuri?
sunt em verba tm illa comoda. Sagt man doch gmaing-
lich Krieg wirt von wegen des frids/ich möchte noch schier
mit den Luther spreche diese sach wer argwenig/ möchte das
liecht nit wol leyden. Studens was gatt dich das an/loß
wyter/sagt doct. Murnar aber in sein büchlin/auch seind
vil wie doctor Luther/ die soliche werter des hailigen euan-
geln bezwingen/vnd auff iren syn geweltigen / dan weder
die werter/dan der syn geben mügen zc. Karsthans. das
du yegund gelesen hast/hat der Murnar noch für vnd für
fleyssig gehalten/das er nit auff der strassen beliben ist.
Aber doctor Martin Luther meins bedüchtn/tausentmal
geschickter ist in gmainem natürlichen verstand von der
geschrifft zu reden/dan der Murnar. Studens wa doch.
Karsthans. lieber sun lyß das teütsch biechlin vō babstū/
so Luther dem barfüsser münich zu leypsig geschriben hat
wirstu erfahren sein grosse erleuchtung vnd stanthafte
mainung der geschrifft. Studens. du wilt mit den gelehr-
ten reden/vnd erzäigest ainen rappen vnder der menig
weysser schwanen. Karsthans der rap hat auch sein gsang
ebn als wol als die schwane etwan ir greinen/die wyl du vn
dein geselle (mit den schlangen vmb den stab gewicklet) so
wizig sein/vnd stets latein plapern. Sagen mir ains/wi-

Erumbt es. Das ir gelerten wann ir disputieren/alweg an ain
ander beschuldigen ayner zwinng die geschryfft/ der ander
verstat sy mit / als der hans geggius dem Luther zu geleg
zu leypsig/ vñ yetz das grau vngeheür thier abermal eiger.
Mercurius. Phariseus hypocrita nomen eius. So ich der
beschuldigug in Eaine sprach so vil erhört hab/ist die latein
isch sprach so trügenlich/ soll man das haylig ewangelium
vnd geschriffte mit darein verwandelt hon/vnnd ir pfaffen
so ir so lang dargu geschwigen haben/ vns arm aynfelltig
leyen in solicher vnwissenhait da durch lassen kommen/bis
yetz doctor Martin luther komē /er hat ain rechte namen
Luther/wann er will eüch grossen Pfaffen zu vil lüttren /
will glauben(als der möng Murmar auch klagt) lyess
sen lieber im trieben bleyben. Mercurius. extasis. Studens
ain vnweyser möcht mer fragñ dan der bapst selbs künde
verantwortñ. Karsthans. ho: der bapst ist doch der aller
hailigest/so ist er auch der aller glertest er künd mirs bald
sagen. Mercurius. igne. Studens. du ver sündest dich vast
mit solchen fragen. Mercurius. fricando cancrum. Karst
hans. ich redt doch sein eer das er haylig vñ gelert sey /hat
doch vnser herr gesprochen zu sant Peter vñ andern zwelff
boten/ir seind das saltz des erdrichs/ir seind das licht der
welt. Studens. das solt du vnd die bawren wol enpfindñ/
wann ir den zehenden/vnd zins/vnd schulden nit bey zeyten
zalten/ob sy saltz weren oder nit. Karsthans. seynd sy kein
ander saltz dan als du sagest/wer güt das sy bey dē anderē
meer saltz zu tiefficht im grund legen/wan sy salzen(nem
lich vil auß inen)die armen leüt der massen/das mer barm
hertigkait in der hell funden wirt. wann ist dz büch auß gele
sen/ich byn vrtrügig / so an vnütten dingenn: Studens.
weyter gibt d Murmar ain hüpsche einleytüg auß geschich
ten/mit allein auß götlichen biechern /sind auß aller erfare
hait der menschen/daz ain solche pollecey vñ regiment mit

der vile zū gubernieren nye hat mögen die lenge beston 2c.
gibt des anzaygung durch die Römer die erstlich mitt der
gemain zū regierung vnderstanden/kam es erstlich auf die
kūnig/dan̄ auf die ratsheren/darnach auff die kayser/al-
so das alwegen vō der vile auff einē kam 2c.woll ermessen-
lich auß allen hystorien/wo die oberkayt des glaubens yetz
ab wāre/vñ die gemein ir solchen gewalt selb frenelich haim-
züge/die leng auch nit beston wurd/sunder nach mensch-
licher art/notturfft/vnd gelegenhait wider auf einen fallē
würdt 2c. Karsthans. hör hör machest mich daub. Stu-
dens.hör die hailigen geschriffte. Mercurius. titum lunum
Karsthans. ja wol tigkū tegkū/wil der Wurner vnsern
christlichen glauben gründen in gleichnuß menschlicher to-
rechter geschichten/deren irtung kein maß geschöpft mag
werden/vermaint in gleichnuß wo ein land nit einē kūnig
oder fürsten hatt/möcht das land nit beston. Also wo der
glaubē nit ein oberkayt vñ ain haupt het/möcht der glaub
in der gemayn nit lang beston. Losen du daube schellige
murmaw/du falscher rölling. Ich sag/wo der glaub nit
ain haupt hett/möcht er nit allain nit lang beston/sunder
es wār kein glaub/wan̄ der glaub/sol er sein/so muß er ge-
richt sein gegen etwas/das man glauben sol. Aber das so
mā glaubet in rechter chriſtenhait/ist weder bapst/bischof
noch kayser/sunder Christus Jesus/der lebendig sin got-
tes/der ist disser fels/darauff christlicher glaub ruwet/ der
ist das lebendig haupt/ von welchem der christlich glaub
fleyſſet onmangel/on welchs haupt/disser glaub nit wirt
angefangē noch volbracht. Weiter der glaub ist ein wirck-
ung des hailigen gaists/in vnser selen/gatt den leib nit an/
wan̄ d̄ leib sū sich selbs nit nütz ist/nur schedlich/wan̄ er all
zeit wider die seel streitet / darū darff vnser christenlicher
glaub kayns leyblichen haupts/so es ein gaistlich ding ist/
Der bapst gibe mir kein glaubē/mag mir aber wol erger.


nus im glaubē gebn̄/gibt mir auch k̄ain götliche lieb/noch
götliche hoffnūg. So dan̄ in disen dreien stuckē/die chriſtē
lich kirch (so da iſt ain gemainſchafft aller hailigē/dz iſt al
ler auſerweltē chriſtē) in ainem gaiſtlichē leyb zesaime ver
ainet wirt müß vō notwegē diſer leib so er gaiſtlich iſt / im
hailigē gaiſt auch ain gaiſtlich haupt habē/vñ mit ain leyp
lichs haupt als die k̄agē vff dē techern murmauē/dz haupt
iſt d̄ auſerwelt lieplich preütigā Chriſt⁹ Iheſus/ diſer leib
aller auſerwelter hailigē/dieſchōn gspōg/on rüngen vñ ma
ckel. Wan̄ der bapſt des haupt wer/vñ ſeine cardinel/ vñ
biſchoff/vñ münich der leyb/hilff hergot was wüſten lau
ſigen gründ/etwā für ain haupt regieret/wz manig plat
tern vñ k̄egen/an vil orten des leybs funden wird/ Job
gang ſchlaffen in allen ſeinen platern vñ geſchweren. Stu
dens. du ſagſt das ſeltameſt ding / Loß was der Murner
ſagt. Karſthans. heb alſo/biſt mit am end/wañ ich nymer
mag hören. Studens. ſchier am end der vorred des erſten
bletlin. Karſthā. ho he he ſein ſo vil vnnütz geſchwerz an
ainē plat/wz iſt erſt ſo man hinein k̄am/ich hab des Mur
nars kunſt gnüg erfaren/wie dieſſ er ſich in der hailigē ge
ſchryfft ſich gerümet hat. Will glauben ergang in der ge
ſchryfft vñ als er thon hat in ſeinem büchlin zūm Karalo
vñ teüſchem adel da er vñdſtünd die drey mauren (ſo doct
or Luther vñ geworffen hat) wider auff zū richtē/da k̄an
er den güten Luther nit gnüg ſchenden vñ im verweyſen
wie er das wertlin corpus nit recht gedeüſchet hab/dz cor
pus ain leib heiß /ſunder corp⁹ heiß ain verſammlung / hab
ich in allen ſprachē ſo ſich zūm latein ziehē gefragt/ſo wirt
es zūm teüſchen allenthalb ein leyb gehaiſſen / vñ membrū
ain glied/doch nach murnars latin heißt corp⁹ vil Rōck mē
bū ain ſchneyder / gibt murnar dē armē luther ain ripſtoß
ſo er des teüſchē ſein vrsach gibt/wañ wir nit warlich ain re
chter leib mit chriſto ſeind/ſond̄ ein vergleichter leib vñlleücht


mit Freyde an ain tafel gemalt/hat sant paul villeucht bey
dem wein geredt zu denen von Ephesus am ersten capitel da
er spricht (verstande got der vater) Er hat in geben / das
haupt über alle versammlung/welchs seyn leyb vnd seyn vol
kommenheit ist. hie zeucht Paulus Murnars teütsch wider
hinder sich in den leyb/so er spricht/alle versammlung sey sein
leyb (als dan doctor Martinus luther geteütschet het) das
aber Murnar frid geb/ so stat in dem spruch corpus vnnnd
ecclesia / vnnnd wirt ecclesia interpretiert das sy sey corpus
christi/doch muß ich doctor Murner einen zeügn auch brin
gen das de also Sey. sagt Gregorius in moralibus. xxxv.
capite. ix. Spricht er also/wan christus vnnnd die kirchen ist
ein haupt vñ leyb/ain person. Vnd über den propheten eze
chiel den Omelia. xv. die christlich kirch ist eyn substanz mit
christo irem haupt /ist nun die christlich kirch ein substanz
ein person mit christo/wa blib d vergleyche leyb/ meint vil
leicht eüsserlich hend vñ fies/ der alten weiber fleischen. aber
da Murner den einfältigen Luther falsch in der geschuffe
erfunden hat/hat sich Luther übersehen gröblich. so Lu
ther durch die gschrift anzeigt dz wir all priester / pfaffen
vnd pfeffin sind nemlich in der ersten Epistel sant Peters
am andern capitel/do er also anzeucht sprechendt/yr seyde
ain küniglich priesterthum/vñ ain priesterlich künigreych
zeigt auch d Luther dz weyter künigschafft an/so im buch
der haimlichen offenbare an vil orten stat luther geschriben
nemlich am ersten capitel/vñ am fünfften capitel mit auß
druckte wortn. So wüschet mein Murnar herfür mit seym
gauch glauben/vnd schweygt der anzeigten capitel ganz
über hupfft die frey dar auff d Luther sein fundament an
zeigt/ vnnnd nympt ain ander capitel dar in mit der spruch
stünd geschriben als auf dz drit capitel. i. Pet. Ir sollent all
einmütig seyn im glauben/da zeucht der gauchmaister den
Eloben/da schreydt er greüßliche das weder wort/ vil noch

wenig da stand/so solich priesterschaft anzaygt. Darumb
 aber mal well er all welt vor Doct. Luther gewarnet hab
 en wie er in der gschrift falsch vñ gang 1c. lieber Murnar
 nym dich selbs an disem ort bey der nasen / will achten dir
 stinck der attem leychnā übel. Meinst dz ich nit recht hab
 besich dein byechlin vñ doctor Luthers biechlin so ir beyd
 dem adel zñ geschriben hond/vñ leg die Epistolas Petri
 darzwischē für ain richter / wirt dir ain sentēz des du dich
 billich vor biderleuten schāmen müst/ dz du dem gütē man
 Luthero seyneer vñ chriſtenlichen leumbten vor aller welt
 apstülſt wyd got vñ die warhait / bistu ain Jurist soltestu
 des witziger sein gewesen/will geschweygen ain Theolog⁹
 lernest ander leüt ir narren zñ erkennen/wa sein deine blibē
 wa ist mein pflegel. Studens. ich bin auch verdrossen wor-
 dñ/wie gfelt er dir? gelt er hat pfeyl im kocher. Karsthans
 ja leuß in der kuttē. Studens. sag dir / er ist ain geschüect
 man. Karsthans. das wissen die/die mit im zñschicken ha-
 ben / got behyet mich vor im. Studens. er geb ain gütē
 beychtuater hat vil erfaren. Mercurius. sterquilinia mere-
 tricū. Karsthans. gibt auch ain gütē henselin. Mercurius.
 consummatū. Studens. wiltu das ander büechlin vñ
 der chriſtenlichen vñ brüderlichen ermanung / gegen dem
 Luther/von der meß auch hörē? Karsthans. auß ein blat
 hab ich wol verstanden/was brüderlicher lieb er im herten
 hat/wil glauben hets der frum Martin Luther am hals/
 wurt im Murnars lieb das hertz abstoßenn. Mercurius
 caustice. Studens. o vatter er gibt im einen hohen titel/vñ
 hebt züchtig an zñ redē. Karsthans. es ist ein böse katz die
 vornen leckt / vñ hinten kratzt. Mercurius. ad circulum.
 Studens. ist er vormals ain katz oder rölling gewesen /
 aber yetz nymmer. Karsthans. das kalb schlecht seiner müt-
 ter gern nach. Studens. noch ist er nymmer ain katz.

Karsthans. hey wilt mich lieb haben mitt der Eagen / an
galgen mitt der Eagen. Studens. ja mitt der Eagen / aber
nit mit dem Murnar. Karsthans. hey / es sey Eaz / mur-
maw / oder rölling / lassen mich weyters mit den dingen vn
bekümmert. Ist er so glert / gang er gen wittenberg / zu Doct.
Martini Luther / wie Eck von spizen thon hatt / der kan
im antworten. Mercuri⁹. nequam querit angulū. Karst
hans. Ja er hat on zweyffel ain güsttign angel / Aldi / ich
sar dahin. Mercurius. Dij secundent. Studens Vterque
Valeat.

Der Murnar ist nit allein in dem spil
Zu Straßburg ich noch zwen nennen will.
Der schülmaister Jeronimus genant
Und doctor Peter auff dem stift predicant.





8080213
20 No 19

Augsburg, Melchior Rammingen, 1521

Brockhardt, Karthaus S. 56 Ausgabe H

Böcking IV, S. 617 Nr. 2

Weller 1438

Panzer, Zusätze 1005 b

Proctor 10946

HERITAGE